



SULEQATIGIISITSISUT
SAMARBEJDSPARTIET

Nuuk ulloq 21. februaari - 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

1. Innarluutillit pillugit inatsisissaq iluarsisaq Naalackersuisut tusarniutiginiuuat.

Naatsorsuutigisinnaanerlutigu Innarluutillit pillugit Inatsisissaq nutaaq 2019-mi Ukiakkut

Ataatsimiinnermi saqqummiunneqarsinnaassasoq?

2. Tamanna siunertaangippat taava suut pissutaappat Naalackersuisut innarluutillit pillugit inatsissamut siunnersuummik tulliani ataatsimiinnissamut saqqummiussisinnaanginnerannut?

3. Naalackersuisut qinnuigaakka naatsumik nassuiaqqullugu Innarluutillit pillugit Inatsisissap siusinnerusukkut inatsisissamut 2017-mi Ukiakkut Ataatsimiinnermi immikkoortoq 20-tut saqqummiunneqartumut naleqqiullugu suut pingaarnertut assigiingissutiginerai? Ajornangippat aamma nukiit oqaatigeqquneqarput pissarsiarineqarsinnaasut eqqarsaatigalugit.

(Inatsisartunut ilaasortaq, Tillie Martinussen, Samarbejdspartiet – Suleqatigiissitsisut)

Tungavilersuut:

Naalagaaffiit Peqatigiit innarluutillit pillugit isumaqatigiissutaat Kalaallit Nunaanni malinneqanngilaq. Amerlaqaat malinneqanngitsut. Aamma taamaannikuuvoq piffisami siviisoorsuarmi.

Taamaattumik Suleqatigiissitsisuni kissaatingaarput innarluutillit taamatullu ineriartornermikku akorngutillit ullumimut naleqqiullugu politikikkut pingaarnertinneqalissasut.

Suleqatigiissitsisuni takusinnaavarput siusinnerusukkut siunnersuutaareersoq kattuffinnut tusarniaassutigalugu nassiuunneqarnikuusoq aamma Inatsisartuni siullermeerneqarnikuusoq.

Tusarusupparput tulliani ataatsimiinnissami siunnersuut taanna oqaluuserineqassamaarnersoq aamma nassuiaanneqarusuppugut tamanna pissangippat suna pissutaanersoq.

Nalunngisatsit Naalackersuisup innarluutillit pillugit inatsisip kinguaattoornera utoqqatsissutiginiuuat oqarluni suliniutit nutaat ilanngunneqarnissaat pissutaasoq.



SULEQATIGIISITSISUT
SAMARBEJDSPARTIET

Imaassinnaavoq suliniutit taakku nutaat pitsanngoriaataarujussuassamaartut siunnersuummut saqqummiunneqareersumut. Pitsanngoriaatit ima angitigisimarpasipput allaat inatsit pisariaqartinneqarluinnartooq ukiup aappaa avillugu kinguartinneqartariaqarsimalluni.

Ersarillunnartumik nassuiaqqarput pitsanngoriaatit suut pineqarnersut.

Suleqatigiissitsisuni alianartutut isigaarput inatsit taama pingaaruteqarluinnartigisoq Naalakkersuisut sulinerannit pingaernerutinneqarsimangimmat, inuimmi innarluutillit qanorluunniit ukioqaralarunik pisinnaatitaaffeqartariaqarput periarfissaqaannaratik aamma qularnaartariaqarpoq pisariaqartitartik naapertorlugu ikiorneqartarnissaat. Aamma taamaappoq innarluutillit ilaquataat eqqarsaatigalugit.

Taamaattumik apeqqutikka apeqqutigaakka.

Apeqqutit akeqquneqarput ullut qulit iluanni.

Tillie Martinussen

Samarbejdspartiet - Suleqatigiissitsisut